

حقوقی بیلگیلر مجموعه سی

هر آيك اون بيشده نشر اولنور

یکی

حقوق اصول محاکمه لری قانونی

« یکین نسخه مزدون ماعد »

— تبلیغات — نروده تصادف ایدیلیرسه ایدلسون اولا تبلیغ اولونامر شخصک هرینی مباشرم معلوم اولور شرطیه ذاته یاپیلا بیلیر . آلمان قانوننده، ذاته تبلیغات اجرا اولونان کیمسه محکمه نك بولوندیغی شهرده اقامتگاه صاحبی ایسه تبلیغن امتناع ایده بیلیر. لایحه دهده بو حکم تکلیف اولنمش ایدی .

مبلغ الیهک ذاته تصادف اولونامازسه مباشرک اقامتگاهده تبلیغات یایمق مجبوری واردور. مباشر تبلیغاتی اقامتگاهده، کندیسنه اوراق تبلیغ اولنه جق کیمسه ایله برلکده ساکن عائله سی افرادندن ویا خدمتچیلرندن یتیشمش (یعنی تمیز) اولان برینه یاپیلیر . ذیل اصول محاکمه ده اولدیغی کبی کندیسنه اوراق براقیله جق شخصک مطلقا اون بش یاشنی اکمال ایتمی شرط دکلدر . بو کیمسه لره، قبول ایتسه لر ییله، تبلیغات یاپیلیر. اقامتگاهده برلکده ساکن خیم ویا خدمتکاری بولنلایان کیمسه یه تبلیغات، عینی خانه ده اقامت ایدن موجرینه ویا مبلغ الیهک اقامتگاهی اوتل، خسته خانه کبی براداره یه تابع محله ده ایسه اونی اداره ایدن مدیر ویا کاتب لرینه قبوللری شرطیه یاپیلا بیلیر . کذلک بر محله صنعتی اجرا ایدنلرک ذاته اوراده تبلیغات یاپیلاماز ایسه او محله ده کی ایشنده قوللاندیغی کاتب و عمله سنه ده یاپیلا بیلیر . فقط خان او طه باشلیرینه تبلیغات یاپیلاماز . دیگر طرفدن اقربا، خدمتکار کبی کیمسه لره، او دعواده خصم صفتیله علاقه لری وار ایسه کندیلیرینه تبلیغات اجرایی جائز اولاماز (۱۲۹) . تبلیغاتک اصوله موافق صورتده یاپیلاماسنک نتیجه لری ۸۲ نجی ماده یه کوره تعیین اولونور (یکی حقوق اصول محاکمه لری قانونی شرحه مراجعت، ماده : ۸۲، نومرو : ۵-۸) .

— مبلغ الیهک موقتاً باشقه بریره کیتدیکی تبلیغات ائناسنده آکلاشیلیرسه محکمه یکیدن عینی محله تبلیغات اجراییه قرار ویرر (۱۲۶) . فقط طرفیندن بری حین دعواده کی اقامتگاهی

بالاخره تبدیل ایتمش اولوبده بوندن محکمه‌ی خبردار ایتمش و یا محکمه‌نک دائره قضاسی خارجه نقل ایدوب محکمه‌نک دائره قضاسی داخلده تبلیغات مخصوص اولوق اوزره برقامتگاه تعیین ایتمش ایسه تبلیغ اولوناجق اوراقک بر نسخه‌سی محله مختارینه دیگر نسخه‌سی محکمه دیوانخانه‌سه یا پیشدیر یلق دیگر بر نسخه‌سی ده معلوم اولان آدرسنه پوسته ایله کوندریلک صورتیله تبلیغات یاپیلیر (۱۲۳). آدرسی معلوم دکل ایسه پوسته ایله کوندریلکک لزوم یوقدر.

— وکیل تبلیغات یاپیلاماز. آنجق اولا دعوا تعقیبه اهل اولمایانلر حقنده تبلیغات بالضروره ولی، وصی کی قانونی ممثلرینه یا یلق لازمدر. ثانیاً برنجارتخانه‌یه متعلق دعوا وقوعنده اوتجارتخانه‌ی تدویر ایدن وکیل عمومیلره یاپیلا ییلیر.

دعوا، اصولاً اصله تبلیغات اجرا سیله باشلادقدن صوکره انای محاکمه یاپیلیر.
تبلیغات برمه مال رکیده یا یلقی لازمدر. اصیلر یاپیلیر (۱۲۴).

— تبلیغدن امتناع حالده اوراق مباشر طرفندن تبلیغ اولوناجق کیسه‌نک اوکنه بر اقلیر.

تبلیغ اولوناجق کیسه اقامتگاهنده یوق ایسه اوراق مباشر طرفندن محله مختارینه و یا پولیس قومیسر و معاوننه و یا ژاندارمه مرکز قوماندانسه بر اقلیر و مباشر تبلیغ اولوناجق اوراقی بو کیسه‌لردن هانکیسه بر اقلجق ایسه بونک اسم و آدرسی احتوا ایدن بر کاغدی قابویه یا پیشدیرر و کیفیتی، اوینه عودتنده مبلغ الیه بیلدیرمی ایچون الک یقین قومشویه اخبار ایدر. مباشر هر نه قاندار تبلیغ اولوناجق اوراقی بو مقاملردن هر هانکی برینه بر اقلده سربست ایسه ده هر حالده مبلغ الیه ایچون مراجعتی الک قولای اولانی انتخاب ایتمک لازمدر.

— مبلغ الیه تبلیغ اولوناجق اوراقی امضاسی مقابلنده قبوله مجبوردر. امضا ایتمک یلمیورسه صول الینک باش پارمغیه اوراقی تبلیغ ایتمش اولدیفنی تصدیق ایدر. کرک آلمان و کرک فرانسز قانونلرنده مباشرک اوراقی تبلیغ ایتمدیکنه دائر مبلغ الیدن امضا آلماسی مجبوری اولمادیفی حالده، قانونمزد بوکا مخالف بر حکم قونئاسی، تبلیغاتک وقوعنی ده امین بر صورتده اثبات ایچوندور. پارمق ایزلری ایله هویتی تعیین قابلدور. ایکی آدامک

بارمقارینک ایزینک یکدیگرینه بکزه دیکی کورله مشدر . فقط بونک ایچون ایز تمامیه چیقمق و لا اقل برساتیمتره مرایی کینشیلکنده اولقی اقتضا ایدر .

— پوسته ایله تبلیغات بر جوق دولترده اولدینی کی نوشتلدهده قبول اولمشدر . بو واسطه ایله اجرا ایدیهلک تبلیغات دهه سریع ودها آز مصرفی اولور . آنجیق تبلیغ اولونا جق اوراقلک مبلغ الیهک یدینه وصولی تأمین ایچون قانونک رعایتی لازم عدايتدیکی احکامه پوسته موزعنک رعایت ایتیمسی جوق کره قابل اوله ماز . بوسیله بناء پوسته ایله تبلیغاتی قبول ایدن دولترک اکثریسی مبلغ الیهک امتناعی حالده پوسته موزعنی استکاف معامله سی ایشایه مآذون عدا ایتیمرک بالعکس پوسته اداره سنی ، برای تبلیغ آلدینی اوراقی مرسلنه اعاده ایله مکلف طومقدهدر .

بو تقدیرده اصولاً مباشر واسطه سیله ، یکیدن تبلیغات یایلیر . آلمانیا ناک ۱۸۷۷ اصول محاکمه قانونی پوسته اداره سنک تبلیغات توسط ایتدیکی محللر ایچون پوسته ایله تبلیغات مساعده ایتمشدر . بالعکس ۱۸۹۸ تاریخی تعدیلاتنده صورت مطلقده پوسته ایله تبلیغات تجویز اولمشدر (ماده : ۱۹۳) .

قانونمز متوسط بولدینی اسکی آلمان اساسی قبول ایتمشدر : پوسته ایله ، صورت عمومیهده تبلیغاتک ایفا ایدیهیله جکی حکومتجه قبول ایدیلیرسه تورکیه ناک هر طرفنده و بالعکس یالکز محللرده ایفا ایدیهیله جکی قبول ایدیلیرسه یالکز او محللرده تبلیغات بو واسطه ایله اجرا اولونا جقدر . بوحالده محکمه باش کاتبی تبلیغ اولونا جق اوراقی قبالی بر ظرفه قور و ظرف اوزرینه یالکز مرسل الیهک آدره سنی و کوندرن محکمه ناک اسمی ، دوسییه نومروسنی یازار واعاده لی تمهدلی اوله رق پوسته یه تسلیم ایدر . ظرفک اوزرنده دعوانک ماهیتی خلاصه بیله درج ایدیهلر .

پوسته موزعیده عینیهلر مباشر کی اوراقی مرسل الیه ویا کندیسیله برابر ساکن افراد حائله سندن ویا خدمتکارلردن برینه تسلیم ایدر .

مباشر اوراقی تبلیغی متعاقب بر تبلیغ مضبوطه سی تنظیم ایدر . بونده بالخاصه تبلیغک نه زمان وزدهده وکیه یاپیلدینی کوستردر . بمضبطه ، تبلیغ اولونا جق اوراقلک اصلی ربا بولر ربط اولونا جق بر افعد اوزرینه یالکز درر صورتی مبلغ الیه بر ایدیلیر سنجه درج اولونا جقدر .

— ممالك اجنبیه د پایله جق تبلیغات، او مملکتده بولونان صلاحیتدار مأمور لر واسطه سیله پایلیر. بومأمور لر یا دیپلوماسی طریقله تبلیغ اولوناجق اوراق کوندریلیر و یا خود معاهده و یا او دولت قوانین داخله سی مساعد ایسه دوغریدن دوغری به کندیلیرینه مراجعت ایدیله بیلیر.

اجنبی مملکتده تبلیغات تورکیه شهنرداری و یا مأمورین سیاسیه سی واسطه سیله پایلمسی ده جائزدر. فقط تورکیه مأمورین سیاسیه سی، خارجه ده، علاقه دارانک موافقتی خارجه ده استعمال جبری متضمن معامله یا پامیه جقلرندن بوجواز تبلیغدن استنکاف واقع اولماسنه متوقفدر.

اجنبی مملکتده تبلیغات اصولی دائره سنده یعنی تامیناتلی بر شکله ایفای ممکن کورلرزه اعلاناً یا بیلایلیر. بو حوالده علی الاصول اعلاناً تبلیغات پایلمق لازم کلدیکی کبی محکمه باتی کاتبی طرفندن تبلیغ اولوناجق اوراقنک بر صورتی مبلغ الیهک آدره سنه پوسته ایله ده کوندرلیدر.

— مبلغ الیهک اقامتکاهی مجهول ایسه تبلیغات اعلان ایله پایلیر. اعلاننک دعوی رؤیت ایدمجهک محکمه نک بولوندینی محله کی رسمی غزته ایله اولماسی مجبوری اولوب محکمه آریجه دیکر بر و یا متعدد غزته ایله ده پایلمسنه قرار ویره بیلیر و غزته ایله نشری تاریخنک یرتسی کونی تبلیغ پایلمش عد اولونور.

استانبول قومیسونی، آلمان ونوشانل اصول محاکمزلندن ملهم اوله رق تبلیغات رسمی جریده ایله و لا اقل برر هفته فاصله ایله اوچ دفعه پایلماسنی و تبلیغاتنک صوک اعلاننک نشری کوننده پایلمش عد ایدلسنی تکلیف ایتش ایدی.

فی الحقیقه اقامتکاهی مجهول اولانلره اعلاناً تبلیغات پایلماسی مدعی علیک و یا بونک نامنه حرکت ایدمجهک و کندیسنه خبر ویره بیله جک کیمسه لک دعوییه اطلاع رینی تأمین ایچوندن؛ اقامتکاهی مجهول اولان کیمسه، چوق کره دعواننک رؤیت ایدلدیکی بلده ده ساکن دکلدر. حتی اوفق شهرلرده اقامتکاهی مجهول اولانلرک همان کافه سنه اوزاق یرلره کیتش نظریله باقالیدر. شو حوالده محکمه نک بولوندینی شهرده انتشار ایدوب دیکر شهرلرده هیچده اوقونمایان بر غزته ایله دعواننک اعلاننده هیچ بر فائده یوقدر،

زائد بر مراسمدر. بناءً عليه اعلانك هر كسك تعقيب ايده بيلمسي ممكن اولان تك و معين بر غزنه ايله اولماسي لازمدر. آلمانساده ايكي دفعه دعوانك رؤيت اولونديني محله ده كي غزنه لرده و بر دفعه ده رسمي Reichsanzeiger غزنه سنده نشر اولنق ضروريدر (ماده: ۲۰۴) نوشتانلده ده قانطونك رسمي غزنه سنده بروفته فاصله ايله اوچ دفعه نشر اولنق اقتضا ايددر.

رسمي غزنه لر چوق كره كوني كونه تعقيب اولوناميه جفتدن وبالخاصه بو غزنه لر توركيه نك هر طرفنه عين كونده واصل اولماديغندن تبليغات اعلانك فرداسندن عدايمكده تاامينات يوقدر.

قانون بر درجه تاامينات ايچون محكمه نك اعلان ايله تبليغات اجرا اولنان مدعي عليه اون كون ايله بش آي آراسنده بر مدت و بره بيله جكني بيان ايتمشدر. بزه كوره بومدتك، قانوني مدتاره ضم ايدلمسي اقتضا ايددجكدر.

اعلاناً تبليغات محكمه قرار ويرر و آنجق بو كوني اصولده اولديني كبي بو خصوصه قرار ويرمك ايچون، دعوانك رؤتي ايچون معين اولان يوم محاكمه قدار انتظار مجبوري يوقدر. مباشرت تبليغات ياپامديغندن خبردار اولان مدعي، درحال حادثه اوله رق تحقيقات حاكمندن اعلاناً تبليغات قراريني آله بيلير.

تبليغات، اصوله موافق اولمازسه حكمسزدر. آنجق اوراق مبلغ اليك بدينه واصل اولمش ايسه معتبردر. اصولسز تبليغك مبلغ اليه نه زمان واصل اولديني تعينده سوز كنديسنكدر.

ايكنجي قسم

حاكمه بيليري، ضبطلر، دربيرلر

— محاكمه علناً اجرا ايديلير. محاكمه نك اداره سي وضابطه سي رئيسه عانددر. ۱۵۰۰ م. رئيس تعيري منفرد حاكمه نظراً احترازي اولماديغه كوره منفرداً دعواي تحقيق ورؤيت ايددن تحقيقات حاكمي، صلح حاكمي ده ۱۵۰ نجبي ماده ده كي صلاحيت قوللانه بيليرلر. رئيس بوماده موجبجه محاكمه نك انتظام داخلنده جرياتي تامين ايچون هر درلو

تدبیر اتخاذ ایدہ بیلیر . حتی، طرفیندن برنجی سوز سولہدن منع ومحکمہدن دیشاریده
چیقارابیلیر . عدلیہ انجمنی یاپدینی مهم برتعدیلاتده «محکمہ» نك «حضورنده مناسب اولمیان
برقول ویا فعلده» بولونان طرفینی ویا محاکمہی استماع ایتك اوزره حاضر بولونان هر
شخصی درحال توقیف وبرهفتهیه قادر خفیف حبس ویا یکریمی بش لیرا قدر انضباطی
جزایہ محکوم ایدیه بیلیمسیده قبول ایتشددر . بو حکم نوشتاتل قانوننده یوقدر .

— جریان ایدن محاکمه خلاصه صورتیه ضبطه کچیریلیر . قاعده اولارق ، ادها
ومدافعه تحریراً بیان ایدمك لازم کلدیکندن طرفینك املا صورتیه افادهلری ضبطه کچیرتمکه
حقاری یوقدر . ضبطلر، ضبطکاتی وهیئت حاکمه طرفندن جلسهنك ختامنده امضا ایدمك
لازم وکافیدر و طرفینك حضورنده قرائتیده لازم کلز . آنجق شاهدلرک شهادتی، افراء،
صلح و فراغت طرفین حضورنده اوقونمق و افادهلری کندیلرینه تصدیق ایتدیرمك
لازم کلیر . عکس حالده بوخه و صلاصه تعلق ایدن مندرجاتنده ضبطایله احتجاج اولوناماز .
— ضبطنامه نك دیگر محکمہیه ویا دائریه کوندیرلسی لازم کلیر سه طرفیندن هربری،
اوراقک اصلی حفظ ایدیلرک مصدق صورتنك کوندیرلمسی طلب حقیق حائزدر .

اون برنجی فصل

مدتدر رجال سابقه اربعاع

— دعوانك تحقیق ورؤیتنی تسریع ویا خصمك مدافعه ایتمسنی تأمین ملاحظه سیله بعض
مدتدر تعییننده کی لزوم آشکاردر . بومدتلرک بعضیسی دوغریدن دوغرییه قانون ایله
تعیین ایدلمشدر که حاکم بونلری نه تزید ونه ده تنقیص ایدمهز . مکرکه خلافه قانونده
صراحت بولونسون . بعضآده قانون، حاکمه طرفیندن برینه برمعامله یی ایفا ایچون برمدت
تعیین ایدمه جکنی بیان ایدره . بومدتده قطعیت یوقدر . حاکم مهم یکی سبیلر حدوشنده،
طرفینی بونقطهده دیکلهد کدن سوکره اولجه تعیین ایتدیکی مدتی قیصالتابیلیر ویا اوزاده بیلیر
ومدتك اقتضاسنده بردفعیه مخصوص اولمق اوزره یکی برمدت دها وبره بیلیر . مکرکه
حاکم اولجه تعیین ایتدیکی مدتک قطعی اولدیغنه قرار ویرمش اولسون (م. ۱۶۳).

قانون ايله ويا حاكم طرفندن قطعی اولمق اوزره ويا بوقطعی اوله رق توصیف ایدلمسه بيله ایاکنجی دفعه اوله رق ویریلش اولان مدتک انقضاسنده، اومت ایچنده یا یلمسی لازم اولان معامله آرتق یا بیلماز. آنجی بومت طرفنده اسباب مجبره نك تحت تأثیرنده اولره معامد باید ماسه یعنی بهر عوامل اسباب، ارتقوی ربا دکیلی معامد یا بمقرده نعمد منع اتمه اولورمه بوسیلر مافط اولره معنی طرفه قانونیه مراعتند قولونم ده امانسز ایه مدت هنوز باقی اتمه کی معامد یا یا یلمر. بو صورته کچمش مدتک حکمسز عد اولماسنه « حال سابقه ارجاع » دنیلیر.

مثلاً دعوتیه ذاته تبلیغ اولمالیان، و کندیسه ده موقتاً دیگر محله ساکن اوله رق دعوان خبردار اولمالیان و یا خود آغیر خسته اولماسنه، توقیف ایدلمسه مبنی وقیله محکمه یه لککه امکان بوله میان کیمسه، علیه ویریلن حکم غیابییه مدتک مرورندن سوکرده اعتراض ایدم بیلیر.

حال سابقه ارجاع، آنجق مانعک زوالندن اعظمی اون کون طرفنده وقوع بولمش ایسه مسموع اولور و محکمه دن طلب ایدیلیر. تمیز طریقته مراجعت مدتی ساقط اولمش ایسه حال سابقه ارجاع محکمه تمیزدن، تمیز دعوا شکلنده طلب ایدلک لازمدر.

محکمه، ایجابنه کوره تأمینات آله رق ویا آلمایه رق (ماده: ۱۷۱ و ۱۱۰) محاکمه واجرائی تأخیر ایدم بیلیر. حال سابقه ارجاع حالده بوحالی مشروع کوسترن حادثه نك محافظه ابتدکی مدتدن اول جریان ایدن معاملات معتبرقالیر. فقط بوتاریخدن سوکرده ایضا ایدیلش بالجمله معامله لرك بطلانی ضروری دکلدیر. محکمه طلب ایدن طرفک حقوقنی محافظه ایچون ضروری اولان معامله لری ابطال ایدر و مثلاً کشف، اهل وقوف راپورلرینک حکم و قوتلرینی، او کیمسه نك وجاهنده یا یلماسنده بر منفعت یوق ایسه، محافظه ایدم بیلیر.

اون ایاکنجی فصل

تعطیل

حاکمک و آوقاتلرک ذهناً استراحتلرینی، خصوصی و عائله ایشلرینی کوره بیلملرینی تأمین ایچون احداث ایدلمشدر. بومت نوشتارده اولدینی کی تموزک یکر میسندن ایلولک

بشنه قدر اولق اوزره بریجی آیدر . مدتله، تعطیل ائناسنده جریان ایتموب تعطیلک ختامندن اعتباراً یدی کون سوکره یه قدر امتداد ایدر .

ایکنجی باب

صلح محکمدرله محکم اصلیده مرافعه اصولی

برنجی فصل : دعوا اقامه سی

ایکنجی فصل : اعتراضات ابتدائیه

اوچنجی فصل : اساسه جواب

دعوا، اسکیدن اولدینی کی عرفحال ایله اقامه اولونور . بو عرفخالده ، بالعموم دعوتیه لرده یازلمسی اقتضا ایدن قیدله، یعنی طرفینک اسم و شهرت واقامتگاهلری ومدعینک ادعاسنه اساس اتخاذا ابتدیی مادی وحقوقی سییلر ایله دعوانک نهدن عبارت اولدینی وانحاً کوسترملک لازمدر،

مدعی، دعواسنه اساس عد ابتدیی سبی عرفخالده کوسترملکه مجبوردر . فقط دلیللرینک نهدن عبارت اولدینی یازمقله مکلف دکلدرد . فی الحقیقه طرفین، بعضاً مدتک صوک کونلرنده لایحه تنظیمی ایچون وکیله مراجعت ایده رلر . وکیل ایسه بو قیصه زمان ظرفنده محکمه ده هانکی دلیللرک سرد ایدلمسی مصیب اوله جغنی تعیین امکانشزلفنه دوشه بیلیر . نوشتائل اسباب موجه مضبطه سی (بویوک مجلس مجموعه سی ۹ نجی جلد، صحیفه ۲۷۹) . بناءً علیه دلیللر آنجق مدعی طرفندن سرد ایدیلن وقایعک خصم طرفندن انکاری اوزرینه بیلدیرملک لازم کله جکدر (ماده : ۲۱۷) .

فقط مدعی ایسترسه دعواسنی اثبات ایچون عرفخالده دلیللرینی بیلدیره بیلیر وسندلری وار ایسه بونلری ربط ایده بیلیر .

عرفخالده مدعی علیهک نه مدینه جواب بره بده بیکی ، دهها دروغبسی برکه مجبور اولدینی ده یازلمله لازمدر . مدعی علیهک جواب ویرمهک مجبور اولدینی مدت عرفخالک تبیلنی تاریخندن اعتباراً اون کوندر . هر نه قادیار قانونی هر کسک بیلدیرکی

مفروض ایسه ده واضع قانون مدعی علیه ایچون بویوک برامیتی حائر اولان مدت مسئله سنده حکم قانونک عر ضحاله بیلدیرلمسه احتیاج کوستر مشدر . بناء علیه بوصورتله مدعی علیه وقت کچیر مکسرین آووقاته مراجعتله حقوقی صیانت امکاتی بولور .

عر ضحاله بوايضاح ایتدیکمز قیودانک بعضیری مذکور اولماماسی حقنده بایله حق معامله ایچون ده یکی حقوق اصول محاکمه قانونی شر حزه مراجعت . (ماده: ۸۲ نومرو: ۸-۵ و ۱۷۹ شرحری) .

عر ضحال محکمه ویریلیر ودر حال دفتر مخصوصه قید ایدیلیر . قیدینی متعاقب دعوا اقامه ایدیش عد اولونارق دعوانک نتایجی تحقق ایده .

محکمه باش کاتبی عر ضحالی در حال ریسه ویرر . رئیس تحقیقات حاکمینی تعیین ایده و بونی طرفینه بیلدیرر . (اسباب موجه مضطه سی) مدعی، حاضر ایسه، شفاهاً تفهیم و مدعی علیه ده، کندیسنه تبلیغ اولوناجق عر ضحاله در کار صورتیله بیلدیرلمسینه ده جائز ظن ایده رم، بو عر ضحال مدعی علیه تبلیغ اولونور . تور کیده ساکن اولان مدعی علیه لر ایچون در حال یوم محاکمه تعیین اولماز، فقط اجنبی مملکتده ساکن اولانلر ایله اعلاناً تبلیغات اجرا ایدیلر ایچون یوم محاکمه تعیین اولونه رق عر ضحال ایله برابر تبلیغ اولونور .

مدعی علیه جواب ایچون معین اولان اون کون ظرفنده یا بر اعتراضات ابتداییه ده بولونور و یا خود اساسه جواب ویرر . ویره بیله جکی بویاکی نوع جوابدن هرا یکی ده تحریری اولق و مدعی علیه تبلیغ ایدمک لازمدر . مدعی ده بو جوابه کذلک اون کون ظرفنده جواب ویره بیلیر . بو جوابه مدعی علیه تکرار اون کون ظرفنده جواب ویرمک حقنی حائزدر . بو صورتله طرفین ایکشیر کره ادعا و مدافعه لرینی تحریراً بیلدیرمک حقنی حائزدر .

قانونده ۲۰۸ و متعاقب ماده لر بوفصلک دعوا ی متقابله ده اثر اولان قسمنده کوسترل مشدر . بو ر ذهلدن نشئت ایتکبه در . بوماده لر نوشاتل قانوننده اولدینی جواب و جواب علی الجوابه مخصوص اولان فصلک اوچنچی قسمنده بولمق لازم کلیر ایدی .

— مدعی علیه معین مدت ظرفنده، اساسه جواب ویره جک یرده، اعتراضات ابتداییه سرد ایتش ایسه بو اعتراض، حادثه لر کبی حل اولونور .

اگر طرفین اعتراضات ابتدائیه اساس اتخاذ اولوان وقایع مادیه حقهده متفق ایسه لر و مثلاً مدعی علیه اقامتگاهنی، محکمه نك دائرة قضاسی خارچنده و یا خود اقامه ایدلش اولان دیگر دعوانك دیگر بر محکمه ده در دست رؤیت بولوندیغه مدعی اعتراض ایتیمور ایسه و یا خود بومسئله طرفینك بو نقطه ده کی تحریری بیاناتدن توضیح ایتیش ایسه تحقیقات حاکی بو نقطه ده تحقیقاته ختام ویرر. بالعکس استناد اولوان سبیلر اختلافی اولوب طرفینك تبلیغ ایتدکری جواب ایله توضیح ایده مامش ایسه حاکم، طرفینی جلب واستماع ایتدکدن سوکرا، تحقیقاته ختام ویرر.

آنحقی مدعی علیه بو اعتراضلرینی تحریراً بیلدیرمکله ده اکتفا ایده بیلیر. تحقیقات حاکی حضورینه کله رک شفاهی ایضاحات ویرمزه، حاکم لایحه ده کی متناقض و مهم افاده لری علیه تفسیر ایده بیلیر. استناد اولوان وقایع، شفاهاً آلمان ایضاحاته رغماده منازعه لی قالمش ایسه حاکم تعیین ایده جکی جلسه ده واستماع دلایلری ایتدکدن سوکرا تحقیقاته ختام ویرر.

حادثه لر ۲۲۳ نجی ماده موجبجه تحقیقات حاکی طرفسندن حل ایدلک لازم کلیر ایسه ده، اعتراضات ابتدائیه ماهیه قطعی بر حکمک نتیجه لرینی حصوله کتیردیکندن وقانون نظرنده نهائی تلقی ایدلک ایجاب ایتدیکندن بو خصوصه ده تحقیقات حاکنک تحقیقاتی ختام بولدقن سوکرا اساس دعوائی رؤیته محکمه جه قرار ویرلک لازمدر. [ماده: ۱۹۱]

— اعتراضات ابتدائیه ۱۸۷ نجی ماده ده تعداد اولنقهده در. بونلر برلکده ودعوانك اساسندن اول ویا هیچ اولماز ایسه اساس ایله برلکده درمیان اولنقی لازمدر. مدعی علیه، اعتراضات ابتدائیه سندن برینی درمیان ایدوب دیگرینی ایتهمش ایسه بونی اورتق درمیان حق ساقط اولور.

اساس دعوانك حلنی طلب ایتیش اولان مدعی، اعتراضات ابتدائیه درمیان ایده مز. آنحقی مدعی علیه طرفندن درمیان اولوان مدافعهیه نظراً، کندیشی ایچون اعتراضات درمیان ایده بیلیمک حق تحق ایتیش ایسه بونی یوم معینده شفاهاً درمیان ایده بیلیر. لایحه ایله بیلدیرمکه مجبور دکلدیر. فقط خصمنک تبلیغ ایتدیردیکی لایحه جه جواب ویرمش ایسه بو لایحه ده اعتراضات ابتدائیه سنی درمیان مجبورتی واردر.

— مدعی علیه اساسه ایکی صورتله جواب ویره بیلیر. یا مدعینک ادعاسنک وارد اولمادیغنی ادعا ایدهرک دفع بیان ایدهر و یا خود بو ادعائی قبول ایله برابر بونی بالتیجه رد و جرح ایدهرک دعوائی متقابله سرد ایدهر.

دعوائی متقابله، آنجیق دعوائی اصلیهیه مرتبط ایسه سرد ایدیله بیلیر. مع مافیه تقاص و محسوب دعوائی متقابله لری، مرتبط اولماسه دخی سرد اولونا بیلیر.

قانونده مدعی علیهک دعوائی متقابله سنه مدعینک ده دعوائی متقابله یابه بیله چکی مذکور دکلدر. بزه کوره، قانون مساعده ایتدیکندن مدعینک حق یوقدر. بو حکم نوشاتل قانوننده تصریح ایدلمشدر.

— طرفین یازی یازمق بیلمز لر و بولونقلری محله افاده لرنی تحریراً ایضاح ایتدیره بیله چکلری آووقات ده بولونماز سه تحقیقات حاکی، طرفینی دوغریدن دوغری به حضورینه جلب و بونلرک افاده لرنی خلاصه وجهله، ضبط کاتبنه علناً املا ایتدیرر.

— طرفیندن بری مدتی ظرفنده جواب لایحه سی ویرمدیکی تقدیرده یابه بیله چق معامله ایچون غایب فصلنه مراجعت.

[مابعدی وار]

حقوق فاکولته سی مدرسلرندن

مصطفی رشید

مصطفی رشید بکک کچن نسخه مزده انتشار ایدن فده رال مقرر اتنده ویکی حقوق اصول محاکم لری قانونی مقاله سنده کی یا کشلقلری بوجه آتی تصحیح ایدیورز :

فده رال مقرر اتنده :

صفحه	سطر	خطا	صواب
۵۹	۷	آیزوجه و کیمسه نکه خطاسی	متضرر اولان کیمسه نکه خطاسی
		اولماسه بیله،	اولسه بیله
۶۲	۱۶	اولان	اولارق
۶۳	۸	اولونور	اولونور ایسه

اصول محاکمه مقاله سنده :

شباط ۱۳۳۰

۷ ۶ شباط ۱۳۳۱